

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
JU «Pedagoški zavod Unsko-sanskog kantona»
B I H A Ć

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“ broj: 12/03, 34/03 i 65/13), člana 29. Zakona o ustanovama („Službeni list R BiH“, broj: 6/92, 8/93 i 13/94), člana 40. Pravila JU Pedagoški zavod Unsko-sanskog kantona, broj: 15-02-6/UO/08. od 09.06.2008. godine i Odluke privremenog Upravnog odbora JU Pedagoški zavod Unsko-sanskog kantona, broj: 01-02-30/2024. od 24.09. 2024. godine, raspisuje se

KONKURS

za imenovanje direktora JU „Pedagoški zavod Unsko-sanskog kantona“, Bihać

Javnom ustanovom Pedagoški zavod Unsko-sanskog kantona, Bihać (u daljem tekstu: Zavod) rukovodi direktor.

Opis pozicije direktora Zavoda:

Direktor Zavoda: organizuje rad i rukovodi poslovanjem Zavoda, zastupa i predstavlja Zavod i odgovara za zakonitost poslovanja Zavoda, stara se o blagovremenom osiguranju finansijskih sredstava potrebnih za zadovoljavanje potreba za vršenje djelatnosti Zavoda, predlaže Upravnom odboru mjere za efikasno i zakonito obavljanje djelatnosti Zavoda, predlaže unutrašnju organizaciju Zavoda, predlaže osnove plana rada i razvoja Zavoda, izvršava odluke Upravnog odbora Zavoda, predlaže Upravnom odboru godišnji plan i program rada Zavoda, podnosi izvještaje o radu i izvještaje o finansijskom poslovanju Zavoda, odlučuje o pravima, obavezama i odgovornostima iz radnog odnosa zaposlenika Zavoda, obavlja i druge poslove utvrđene Zakonom, Pravilima Zavoda i drugim općim aktima Zavoda.

Mandat direktora je 4 godine. Po isteku mandata, po istom postupku, isto lice može ponovo biti izabrano za direktora Zavoda.

Kandidat za direktora treba da ispunjava slijedeće uslove:

Opći uslovi:

- da je državljanin BiH;
- da je stariji od 18 godina;
- da ima opću zdravstvenu sposobnost za obavljanje navedene pozicije;
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije;
- da se na njega ne odnosi član IX. 1. Ustava Bosne i Hercegovine;
- da nema smetnji za imenovanje i obavljanje funkcije u smislu Zakona o sukobu interesa u organima vlasti Federacije Bosne i Hercegovine;
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH;
- da nema privatni i/ili finansijski interes u Zavodu;
- da nije osuđivan za krivično djelo i za privredni prijestup nespojiv sa obavljanjem dužnosti direktora Zavoda;
- da se protiv njega ne vodi krivičnih postupak.

Posebni uslovi

- da ima VII stepen stručne spreme svih profila ili diplomu visokog obrazovanja studija po Bolonjskom sistemu (najmanje 240 ECTS) svih profila;
- da ima pravo izvoditi nastavu u odgojno-obrazovnim ustanovama;
- da ima položen stručni ispit u odgojno-obrazovnoj struci;
- da ima najmanje 5 (pet) godina radnog staža u odgojno-obrazovnoj struci.

Kandidati su dužni uz prijavu na ovaj konkurs priložiti kraću biografiju, adresu, kontakt telefon i sljedeću dokumentaciju koja se predaje u originalu ili ovjerenoj fotokopiji:

1. uvjerenje o državljanstvu (ne starije od šest mjeseci);
2. izvod iz matične knjige rođenih;
3. ovjerenu izjavu kod nadležnog organa da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije;
4. ovjerenu izjavu kod nadležnog organa da se na njega ne odnosi član IX 1. Ustava Bosne i Hercegovine;
5. ovjerenu izjavu kod nadležnog organa da nema smetnji u smislu Zakona o sukobu interesa u organima vlasti Federacije Bosne i Hercegovine;
6. ovjerenu izjavu kod nadležnog organa da nije na funkciji u političkoj stranci;
7. ovjerenu izjavu kod nadležnog organa da nema privatni ili finansijski interes u ustanovi u kojoj se kandidira;
8. diploma o stečenoj visokoj stručnoj spremi;
9. dokaz o položenom stručnom ispitu u odgojno-obrazovnoj struci;
10. dokaz o radnom stažu u odgojno-obrazovnoj struci.

Kandidati koji ispunjavaju opće i posebne uslove ovog konkursa bit će pozvani na intervju.

Konkurs će biti objavljen u „Službenim novinama Federacije Bosne i Hercegovine“, u dnevnom listu „Oslobođenje“, na internet stranici „JU Pedagoški zavod Unsko-sanskog kantona“, Bihać i internet stranici JU „Služba za zapošljavanje Unsko-sanskog kantona“, Bihać.

Konkurs ostaje otvoren 15 dana od dana njegovog posljednjeg javnog objavljivanja u „Službenim novinama Federacije Bosne i Hercegovine“ ili u dnevnom listu „Oslobođenje“.

Neblagovremene i nepotpune prijave neće biti razmatrane.

O izvršenom izboru kandidati će biti blagovremeno obaviješteni.

Po okončanju konkursne procedure kandidat koji bude imenovan za direktora dužan je u personalni dosje dostaviti sljedeće dokumente:

- ljekarsko uvjerenje;
- uvjerenje o neosuđivanju/nekažnjavanju za krivično djelo ili privredni prijestup za radnje nespojive s obavljanjem dužnosti rukovodioca Zavoda (ne starije od šest mjeseci);
- uvjerenje da se protiv njega ne vodi krivični postupak (ne starije od šest mjeseci).

Prijave sa biografijom i dokazima o ispunjavanju uslova iz Konkursa dostavljaju se lično ili poštom preporučeno, sa naznakom: «PRIJAVA NA KONKURS» na sljedeću adresu:

JU Pedagoški zavod Unsko-sanskog kantona
„Za konkurs“
Mehmedalije Maka Dizdara 5
B I H A Ć

Predsjednik privremenog
Upravnog odbora
Teufik Žalić